

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE**

Broj: 01-45-148/22

**ZAPISNIK
SA DVADESETOSME SJEDNICE
GRADSKOG VIJEĆA ZENICA
održane 29. DECEMBRA 2022. godine

decembar, 2022. godine

**ZAPISNIK SA 28. SJEDNICE GRADSKOG VIJEĆA ZENICA,
ODRŽANE 29.12.2022. GODINE**

Sjednica je počela s radom u 10.16 sati.

Sjednicom je predsjedavao Mirza Husetić, predsjedavajući Gradskog vijeća Zenica.

Nakon uvodnih pozdrava predsjedavajući Vijeća je konstatovao da sjednici prisustvuju 24 vijećnika, te da Vijeće može punovažno odlučivati. Kašnjenje na sjednicu najavio je vijećnik Malik Ejubović.

Prije prelaska na utvrđivanje Prijedloga Dnevnog reda predsjedavajući Vijeća saopštio je da se iz Prijedloga Dnevnog reda za današnju sjednicu iz formalno-pravnih razloga povlači tačka 4.a) Prijedlog Rješenja o imenovanju pet članova GIK Zenica i b) Prijedlog Rješenja o razrješenju i imenovanju predsjednika Komisije za izbor i imenovanja. U diskusiji povodom povlačenja tačke dnevnog reda učestvovali su vijećnica Emina Tufekčić, Selver Keleštura, sekretar Gradskog vijeća po ovlaštenju i Fuad Kasumović, Gradonačelnik Grada Zenica.

Predsjedavajući Vijeća zatim je pročitao Prijedlog Dnevnog reda za 28. sjednicu kako slijedi:

- 1. Zapisnik sa 27. sjednice Gradskog vijeća Zenica, održane 15.12.2022. godine**
- 2. Prijedlog Odluke o privremenom finansiranju Grada Zenica za period 01.01.-31.03.2023. godine**
IZVJESTILAC: Fatima Vojvodić, pomoćnica Gradonačelnika za finansije
- 3. Nacrt Programa rada Gradskog vijeća Zenica za period 01.01.-31.12.2023. godine**
IZVJESTILAC: Selver Keleštura, sekretar Gradskog vijeća po ovlaštenju
- 4. Prijedlog Zaključka o davanju saglasnosti na lokaciju stambeno-poslovnog objekta na međi (sačinjenog po zahtjevu preduzeća LS-INVEST d.o.o. Zenica)**
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 5. Prijedlog Rješenja o imenovanju stručnih komisija za utvrđivanje prometne vrijednosti nekretnina**
IZVJESTILAC: Fuad Kasumović, Gradonačelnik Grada Zenica

Obrazložene prijedloge za dopunu Prijedloga Dnevnog reda podnijeli su vijećnici Almir Babajić i Elmir Duvnjak. Prijedlog vijećnika Almira Babajića da se u Prijedlog Dnevnog reda uvrsti Prijedlog Odluke o izmjenama i dopunama Odluke o građevinskom zemljištu grada Zenica, prihvaćen je sa 25 glasova „ZA“, bez glasova „PROTIV“ i bez glasova „UZDRŽAN“. U diskusiji povodom uvrštavanja navedene tačke u Prijedlog Dnevnog reda, učestvovali su vijećnici Denan Pašalić i Almir Babajić, te Selver Keleštura, sekretar Gradskog vijeća i Fuad Kasumović, Gradonačelnik Grada Zenica. Prijedlog vijećnika Elmira Duvnjaka o upućivanju inicijative Gradonačelniku za produženje radnog vremena ugostiteljskih objekata na području Grada Zenica do dva sata iza ponoći tokom cijele kalendarske godine, uvršten je u Prijedlog Dnevnog reda sa 22 glasa „ZA“, bez glasova „PROTIV“ i sa 2 glasa „UZDRŽAN“. Određeno pojašnjenje u vezi s navedenim prijedlogom dao je Fuad Kasumović, Gradonačelnik Grada Zenica.

Zbog određenih tehničkih smetnji predsjedavajući Vijeća je u 10.40 sati dao pauzu u trajanju od pet minuta radi otklanjanja istih, pa je sjednica nastavila s radom u 10.52 sati.

Napomena: Vijećnicima su pred sjednicu dostavljeni izvještaji komisija Gradskog vijeća.

Vijeće se nakon usvajanja predloženih dopuna izjasnilo o Prijedlogu Dnevnog reda za 28. sjednicu Vijeća i sa 16 glasova „ZA“, 6 glasova „PROTIV“ i 1 glasom „UZDRŽAN“ usvojilo sljedeći

DNEVNI RED:

- 1. Zapisnik sa 27. sjednice Gradskog vijeća Zenica, održane 15.12.2022. godine**
- 2. Prijedlog Odluke o privremenom finansiranju Grada Zenica za period 01.01.-31.03.2023. godine**
- 3. Nacrt Programa rada Gradskog vijeća Zenica za period 01.01.-31.12.2023. godine**
- 4. Prijedlog Zaključka o davanju saglasnosti na lokaciju stambeno-poslovnog objekta na međi (sačinjenog po zahtjevu preduzeća LS-INVEST d.o.o. Zenica)**
- 5. Prijedlog Rješenja o imenovanju stručnih komisija za utvrđivanje prometne vrijednosti nekretnina**
- 6. Prijedlog Odluke o izmjenama i dopunama Odluke o građevinskom zemljištu grada Zenica**
- 7. Prijedlog o upućivanju inicijative Gradonačelniku za produženje radnog vremena ugostiteljskih objekata na području Grada Zenica do dva sata iza ponoći u toku cijele kalendarske godine**

Tačka 1. Zapisnik sa 27. sjednice Gradskog vijeća Zenica, održane 15.12.2022. godine

Zapisnik sa 27. sjednice Gradskog vijeća Zenica usvojen je bez rasprave sa 20 glasova „ZA“, bez glasova „PROTIV“ i 5 glasova „UZDRŽAN“.

Tačka 2. Prijedlog Odluke o privremenom finansiranju Grada Zenica za period 01.01.-31.03.2023. godine

Nije bilo potrebe za uvodnim napomenama.

U raspravi o ovoj tački dnevnog reda niko nije učestvovao.

Vijeće se izjasnilo glasanjem o Prijedlogu Odluke o privremenom finansiranju Grada Zenica za period 01.01.-31.03.2023. godine i isti usvojilo s 18 glasova „ZA“, bez glasova „PROTIV“ i 6 glasova „UZDRŽAN“.

Tačka 3. Nacrt Programa rada Gradskog vijeća Zenica za period 01.01.-31.12.2023. godine

Nije bilo potrebe za uvodnim napomenama.

U raspravi su učestvovali vijećnici: Elvir Purić, Elmir Duvnjak, Emina Tufekčić, Ekrem Tuka i Šerif Patković. Sekretar Gradskog vijeća Selver Keleštura učestvovao je u raspravi dajući određena pojašnjenja.

Po zaključenju rasprave vijećnici su se glasanjem izjasnili o Nacrtu Programa rada Gradskog vijeća Zenica za period 01.01.-31.12.2023. godine, s rokom od 15 dana za javnu raspravu, i isti usvojili s 25 glasova „ZA“, bez glasova „PROTIV“ i bez glasova „UZDRŽAN“.

Tačka 4. Prijedlog Zaključka o davanju saglasnosti na lokaciju stambeno-poslovnog objekta na međi (sačinjenog po zahtjevu preduzeća LS-INVEST d.o.o. Zenica)

Nije bilo potrebe za uvodnim napomenama.

U raspravi o ovoj tački dnevnog reda niko nije učestvovao.

Vijeće se izjasnilo glasanjem o Prijedlogu Zaključka o davanju saglasnosti na lokaciju stambeno-poslovnog objekta na međi (sačinjenog po zahtjevu preduzeća LS-INVEST d.o.o. Zenica) i isti usvojilo sa 24 glasa „ZA“, bez glasova „PROTIV“ i 2 glasa „UZDRŽAN“.

Tačka 5. Prijedlog Rješenja o imenovanju stručnih komisija za utvrđivanje prometne vrijednosti nekretnina

Uvodne napomene za ovu tačku dnevnog reda dao je Selver Keleštura, sekretar Gradskog vijeća.

Za diskusiju se javio vijećnik Šerif Patković.

Vijeće se glasanjem izjasnilo o ovoj tački dnevnog reda sa 16 glasova „ZA“, bez glasova „PROTIV“ i 10 glasova „UZDRŽAN“. Klub vijećnika SDA izrazio je sumnju u tačnost glasanja, te zatražio pojedinačno izjašnjavanje o predmetnoj tački dnevnog reda. Po završenom poimeničnom glasanju, predsjedavajući Vijeća je konstatovao da sa 15 glasova „ZA“, bez glasova „PROTIV“ i 11 glasova „UZDRŽAN“ nije prihvaćen Prijedlog Rješenja o imenovanju stručnih komisija za utvrđivanje prometne vrijednosti nekretnina.

Tačka 6. Prijedlog Odluke o izmjenama i dopunama Odluke o građevinskom zemljištu grada Zenica

Nije bilo potrebe za uvodnim napomenama.

U diskusiji o ovoj tački dnevnog reda učestvovali su vijećnici: Almir Babajić, Denan Pašalić i Šerif Patković. Također, u diskusiji su učestvovali Selver Keleštura, sekretar Gradskog vijeća i Emilija Pašalić, v.d. pomoćnice Gradonačelnika za urbanizam, dajući određena pojašnjenja.

Na traženje Kluba vijećnika Zenička inicijativa -KF predsjedavajući Vijeća Mirza Husetić dao je u 11.49 sati pauzu u trajanju od pet minuta, pa je sjednica nastavila s radom u 12.00 sati.

Nakon pauze vijećnici su se izjasnili glasanjem o ovoj tački dnevnog reda sa 14 glasova „ZA“, bez glasova „PROTIV“ i 10 glasova „UZDRŽAN“. Zbog iskazane sumnje u tačnost rezultata glasanja, predsjedavajući Vijeća zatražio je poimenično izjašnjavanje vijećnika.

Po završenom poimeničnom izjašnjavanju, predsjedavajući Vijeća konstatovao je da Prijedlog Odluke o izmjenama i dopunama Odluke o građevinskom zemljištu grada Zenica nije prihvaćen sa 15 glasova „ZA“, 1 glasom „PROTIV“ i 10 glasova „UZDRŽAN“.

Tačka 7. Prijedlog o upućivanju inicijative Gradonačelniku za produženje radnog vremena ugostiteljskih objekata na području Grada Zenica do 2 sata iza ponoći u toku cijele kalendarske godine

Nije bilo potrebe za uvodnim napomenama.

U raspravi o ovoj tački dnevnog reda niko nije učestvovao.

Vijeće se izjasnilo glasanjem o predmetnom prijedlogu i isti usvojilo sa 16 glasova „ZA“, bez glasova „PROTIV“ i 10 glasova „UZDRŽAN“.

Predsjedavajući Vijeća je pred kraj sjednice zaželio svim vijećnicima i uposlenicima Gradske uprave, gledaocima i svim građanima grada Zenica sretnu Novu 2023. godinu.

Sjednica je zaključena i završila s radom u 12.05 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.


PREDSJEDAVAJUĆI
GRADSKOG VIJEĆA
Mirza Husetić